

Dá boahdá du jienastangoarta girkoválggaide čakčamánu 17. beaivvi

Sotnabeaivvi čakčamánu 17 b. leat Ruota girkus girkoválggat. Delle lea dus vejolašvuohta jienastit daid joavkkuid ja olbmuid mat galget leat mielde mearrideame girku eallima ja doaluid boahhte njeallje jagi. Geasa háliidat addit luohtámuša?

----- (Gihppaga siskkobelli) -----

Váikkut boahhteáiggi – jienas girkoválggain!

Maid háliidat Ruota girku galgá dahkat? Girkoválggat leat čakčamánu 17 b. Delle don ja visot eará miellahtut Ruota girkus mearridehpet Ruota girku boahhteáiggi. Visot miellahtuin mat leat deavdán 16 jagi lea vejolašvuohta jienastit girkoválggain.

Geat galget oažžut du luohtámuša váldit dehálaš mearrádusaid boahhte njeallje jagi? Movt galgá du girkomáksu geavahuvvot? Makkár doaimmat galget leat doppe gos don orut?

Makkár oaiviliid galgá girku atnit? Girkoválggaid bakte dus lea vejolašvuohta váikkuhit!

Ruota girku gávdno mánggain báikkiin. Sihke searvegottiin miehtá riikka ja mánggain báikkiin olgoriikkas, muhto maid internehtas, sosiála mediain, buohcceviesuin ja mánggain eará báikkiin. Bargun lea gávdnut olbmuid váras, doppe gos olbmot leat.

Girkoválggain don jienastat nammadanjoavkkuid. Dat doaibmá sullii dego jienastit bellodagaid riikkabeiveválggain. Dus lea vejolašvuohta jienastit golmma iešguđetlágan dásiin; báikkálaččat iežat searvegottis, guovlluguovdasaččat bismágottis masa gullot, ja sisriikkalaš dásis.

Lea go du jienastangoarta láhpon dehe háliidat go diehtit eanet girkoválggaid birra?

Loga eanet siiddus svenskakyrkan.se/kyrkoval

Stuora dáhpusat

Nuppástuhttimat dáhpuhuvvet eallimis. Go čuožžu njuoratmánna salas, go ráhkásnuvvá, dehe go bohtet goarádusat ja doaivvuhisvuohta, go šaddá heahti dehe go soamis jápmá. Girku lea oktavuoha illui ja morraši, vai mii dovdat gullevašvuoda iežamet lagamuččai guin ja Ipmiliin.

Girku vierut ja dagut – ipmilbálvalusat, juovla- ja beassášbasuheamit, hállemas, gásttašeapmi, rihpaskuvla, vihaheapmi ja hávdádus – addet saji čájehit giitevašvuoda ja ilu, oskku ja eahpádusa.

Ealli kulturárbi

Ruotas gávdnjit sullii 3 400 girku maid Ruota girkus hálddaša. Juohke girku sáhtta mitalit áššiid dego oskku, ipmilbálvalusa, musihkka ja arkitektuvrra, guovllu historjjá ja daid olbmuid birra mat leat orrun ja orrut doppe. Dat lea earenoamáš, oktasaš ja ealli kulturárbi badjel duhat jagi boares ruohtasiiguin.

Sadji mánáide ja nuoraide

Mánáin lea guovddáš sadji Ruota girkus ja buorrin mánáide galgá álo leat guovddášis. Searvegottiin miehtá riikka lea olu fállat. Juohke lágan fálddagat, dego rabas ovdaskuvla ja geassedoaimmat, lávlunjoavkkut, njuoratmánálávlun, scoutat, nieida- ja bárdnejoavkkut, váhnenkaféat ja olu eará.

Go eallin lea lossat

Girku bargu lea guldalit, doarjut ja veahkehit, addit olbmuid vejolašvuoda buktit ovdan iežaset heahtedili vásáhusaid ja fuomášahttit vearrivuodaid. Dehálaš oassi Ruota girku sosiála barggus lea fállat iešguđetlágan ságastallamiid. Okta seamma leat go fáhkka heahtedilis, gasku morraša dehe dárbbahat go eará ákka dihte ságastit soapmásiin. Diakonain ja báhpain lea jávohisvuodabágggu.

Ráffi ja oadjebasvuohhta

Ruota girku lea okta Ruota stuorimus veahkkeaddiin. Máilmmis gos ollugiin buorrána dilli rahčet fas earát ain iežaset birgejumi ja rivttiid ovddas. Danin lea Ruota girku beaivečielga doaibman bargat maid gaskariikkalaččat. Ruota girku gávdno maid olgoriikkas. Sullii 45 báikkis miehtá máilmmi leat olgoriikagirkosearvegottit oadjebas báikin gos sáhttit dovdat gullevašvuoda, ávvudit ipmilbálvalusa ja oažžut doarjaga.

Don dárbbahuvvot!

Gávdnojit olu vejolašvuodas das geas lea beroštupmi dahkat juoidá. Addit skeaŋkka dehe bargat eaktodáhtolaččat iežat searvegottis. Lea stuora dárbu eaktodáhtolaš bargui ja mánggain searvegottiin sáhtát addit iežat áiggi leat mielde iešguđetlágan sosiála doaimmain. Sáhttá leat mángga lágan, dego veahkehit olbmuid mat leat boahtán Ruttii, vuoššat gáfe dehe veahkehit fállat biepmu nealgeolbmuid, vázzit boarrásiiguin dehe leat ofelažžan muhtin girkus geasset. Veahkeheamen nubbi nuppi sáhttit leat dakkár girkun man Ipmil gohču min leat.

Diehtooasažat gihppagis:

- Badjel 40 000 máná ja rávesolbmo gásttašuvvojede 2016.
- Ruota girkus leat 3 000 girku main lea earenoamáš suodji Kulturbiraslága vuodul.
- Gohcci báhppa lea du váras. Sáhtát riŋget 112 dibmu 21-06 juohke beaivvi.
- Juohke beaivvi Ruota girku juohká biebmoakehtaid ruovttohis olbmuid ja olbmuid rašes dilis.
- Ruota girku olgoriikkas gávdno ja doaibmá badjel 100 báikkis miehtá máilmmi.
- Lagabut 100 000 olbmo oassálastet badjel 5 000 lávlunjoavkkus Ruota girkus.
- Juohke jagi Ruota girku čohke sullii 30 000 15-jahkásačča rihpaskuvlaáiggis.
- Ruota girku lea mielde ACT-alliansas mii čohke 143 veahkkeorganisašuvnna miehtá máilmmi main lea osku vuodđun.

*Dieđut jienastangoarttas leat jorgaluvvon mánggaide gielaide. Gávnnat daid dán siiddus:
www.svenskakyrkan.se/kyrkoval/languages*

----- (Jienastangoarta) -----

Jienastangoarta – Girkoválggat čakčamánu 17. beaivvi 2017

Movt jienastit girkoválggain

Ruota girku miellahtut mat leat deavdán 16 jagi besset jienastit girkoválggain. Dat doaibma sullii seammá ládje go almmolaš válggain. Jos don jienastat válgalanjas (geahča čujuhusa badjelis) de galgalit váldit mielde iežat jienastangoarta dehe legitimašuvnna.

Jienastit ovdagihtii čakčamánu 4-17. beaivái.

– Báikkiin miehtá riikka

Sáhtát jienastit ovdagihtii, báikkiin miehtá riikka, čakčamánu 4-17. beivviid. Siiddus www.svenskakyrkan.se/kyrkoval gávdno kárta mas leat visot jienastanlanjat ja rabasáiggit. Jos váillahat jienastangoarta galggat vuosttažettiin váldit oktavuoda iežat searvegottiin, muhto lea maid vejolaš oažžut ođđa jienastangoarta eará báikkiin. Delle fertet čájehit legitimašuvnna.

– Jienastit reivviin

Eará vuohki jienastit ovdagihtiin lea reivviin. Dalle dárbbahat reivejienastanpakeahta man sáhtát oažžut iežat searvegoddedoaimmahagas. Sádde iežat jienastanreivve boastta mielde nu ahte olle bismágoddái mañimusat bearjadaga čakčamánu 15. beaivvi. Fertet maid bidjat mielde iežat jienastangoarta.

– Jienastit áirasa bakte

Jienasteapmi áirasa bakte dáhpáhuvvá sullii seamma ládje go reivviin. Dat sáhtta leat molssaeaktun daidda geat leat eastašuvvan ollet jienastanlatnjii. Go jienastat áirasa bakte de dárbbahat reivejienastanpakeahta (geahča badjelis). Jienastangoarta galgá leat mielde go áirras doalvu reivejiena du válgalatnjii dehe jienastanlatnjii pastoráhtas/searvegottis.

Jienastit válgabeaivvi čakčamánu 17. beaivvi.

– Iežat válgalanjas

Jienastangoarttas čuožžu man válgalanjas sáhtát jienastit ja dan rabasáiggit (geahča badjelis). Dus galgá leat mielde iežat jienastangoarta dehe legitimašuvdna.

– Jienastanlanjas

Jos it leat ruovttobáikkis válgabeaivvis de sáhtát jienastit jienastanlanjas. Delle fertet váldit mielde jienastangoarta.

Leat go olgoriikkas?

Olbmot mat leat čálihuvvon Ruttii muhto leat olgoriikkas válgaáiggi sáhttet jienastit reivviin (geahča badjelis). Reivejietna galgá sáddejuvvot girkostivrii nu ahte olle mañimusat gaskavahku čakčamánu 13. beaivvi. Jos lea dárbu de lea vejolaš ráhkadahttit ođđa jienastangoarta. Dat sáddejuvvo olgoriikasearvegotti bakte.

Du jietna váikkuha movt Ruota girku stivrejuvvo

Girkoválggain sáhtát jienastit golmma válggain;

Válggat girku áirrasgoddái – du báikkálaš válggat

Don leat mielde válljeme girkoáirrasgotti iežat searvegottis/pastoráhtas. Das mearridit doaimmaid mat čadahuvvojit du lahkosis. *Vilges válgalihput.*

Válggat bismágoddái – guovlulaš

Ruota girku lea juhkkajuvvon 13 bismágoddái. Bismágotti áirrasgoddái lea bismágotti alimus mearrideaddji orgána. Bismágotti ovddimus bargu lea geavahit dan earenomáš máhtu mii das lea mánggain surggiin doarjut searvegottiid jodihit iežaset doaimmaid ja hálldahusa. *Rosa válgalihput.*

Válggat girkočoahkkimii – sisriikkalaččat

Girkočoahkkimii lea Ruota girku alimus mearrideaddji orgána mas leat 251 áirasa. Dás mearriduvvojit girku aktasaš ja oppalaš áššit. *Fiskes válgalihput.*

Maid sáhtán jienastit?

Girkoválggain jienastat nammadanjoavkkuid ja sin evttohasaid. Listtut buot

nammadanjoavkkuin ja sin evttohasain gávdnojit ruovttusiiddus

www.svenskakyrkan.se/kyrkoval. Joavkkut ieža juhket dieđuid válgaprográmmaideaset birra.

Sáhtát addit persovdnajiena golmma evttohassii go bijat ruossa sidjiide válgalihpus. Ruossa

lasiha evttohasa vejolašvuoda válljejuvvot ja oažžot ovddastit du. Jos it bija ruossa ovttage evttohassii du jietna doarju nammadanjoavkku.

Jos leat láhppán iežat jienastangoartta

Jos leat láhppán iežat jienastangoartta sáhtát oažžut odđa (nu gohčoduvvon

dubleahhtajienastangoarta). Váldde aktavuoda vuosttažettiin iežat searvegottiin. Sáhtát maid

dingot odđa goartta ruovttusiiddu www.svenskakyrkan.se/kyrkoval dehe Ruota girku

Válgabálvalusa bakte, telefodna 018-16 96 00. Odđa jienastangoarta sáddejuvvo dan

čujuhussii gosa leat čáliuvvon.